



Bosna i Hercegovina
Federacija Bosne i Hercegovine
Kanton Sarajevo



adresa: Vrbovska bb, tel / fax + 387 33 65 88 83 , + 387 33 65 88 81;
e-mail: juosaneks@gmail.com

Djelovodni broj: 01-622/25
Datum: 02.07.2025.g.

Na osnovu člana 87. Pravilnika o organizaciji i realizaciji škole u prirodi, izleta, studijskih posjeta, ekskurzija, kampovanja/logorovanja, društveno/korisnog učenja i drugih oblika odgojno-obrazovnog rada u osnovnoj i srednjoj školi ("Službene novine Kantona Sarajevo", broj: 34/24), Nastavničko vijeće JU OŠ "Aneks" Sarajevo, na sjednici održanoj dana 23.6.2025. godine, usvaja

ETIČKI KODEKS

Ekskurzija za školsku 2025/2026. godinu

ETIČKI KODEKS EKSKURZIJE

U cilju ostvarivanja, očuvanja i razvoja kvalitetnih međuljudskih odnosa, pozitivnih rezultata u radi izgradnje, čuvanja i daljnjeg razvoja kolektivnog ugleda JU OŠ "Aneks" Sarajevo, te ličnog ugleda realizatora Ekskurzije (nastavnika, zaposlenika Agencije, vozača i dr.) i učenika donosi se Etički kodeks kao obavezujući dokument o normama ponašanja učenika na ekskurziji

I OPĆE ODREDBE

Član 1.

Etičkim kodeksom propisuje se skup pravila, odnosno etičkih načela i principa, kojih se moraju pridržavati svi neposredni subjekti uključeni u proces realizacije Ekskurzije. Izrazi u ovom Etičkom kodeksu navedeni u muškom rodu neutralni su i odnose na sve osobe: muškog i ženskog pola.

Član 2.

Svi učenici i druge zainteresirane osobe za realizaciju ekskurzije bit će upoznati s Etičkim kodeksom i pravilima ponašanja. Nepoznavanje i nerazumijevanje etičkih standarda ne opravdava neetično ponašanje.

Član 3.

Nastavnici dužni su u svom radu postupati savjesno i odgovorno prema pravilima struke i u skladu s temeljnim načelima humanosti, moralnosti, ispravnosti, te vrijednosti zaštićenih međunarodnim pravom, osobito vodeći računa o pravima djece.

II TEMELJNI PRINCIPI I PRAVILA ETIČKOG KODEKSA

Član 4.

Poštovanje: svi nastavnici i učenici Ekskurzije, kao i ostali sudionici dužni su poštovati tuđu osobnost, kao i različita mišljenja i stavove, te razvijati samopoštovanje, empatiju i iskrenost u međuljudskim odnosima.

Jednakost i pravednost: Svi sudionici se trebaju ponašati u skladu sa načelom jednakosti i pravednosti, na način koji isključuje svaku diskriminaciju, zlostavljanje, uznemiravanje ili iskorištavanje, neprijateljstvo i svaki drugi oblik nasilja sa posebnim osvrtom na vršnjačko nasilje. Nedopustiva je međusobna komunikacija: učenika, učenika i nastavnika, nastavnika, predstavnika Agencije i drugih lica (hotelsko i ugostiteljsko osoblje i sl.) koja izaziva netrpeljivost, strah, nesigurnost, omalovažavanje, vrijeđanje i sl.

Tolerancija: Zadaća je svih nosioca ovog oblika odgojno-obrazovnog rada da se Ekskurzija zasniva na načelima demokratičnosti, otvorenosti i fleksibilnosti kako bi se kod učenika razvijalo strpljenje, uljudnost i poštovanje različitosti.

Odgovornost: Svi nastavnici i učenici Škole dužni su se savjesno odnositi prema obavezama, radu i ličnoj i imovini drugih.

Samostalnost: Nastavnicima se garantuje pravo autonomije u realizaciji ovog vida odgojno-obrazovnog rada u skladu sa propisima i Nastavnim planom i programom.
Profesionalnost: Čestitost, pravednost, humanost i uzajamno pomaganje, kao temelj moralne filozofije, čine bit etike nastavnika, učenika kao i ostalih realizatora Ekskurzije. Od nastavnika se očekuje da odgovorno, savjesno, profesionalno i etički ispravno ispunjavaju svoje obaveze prema učenicima, kolegama i ostalim saradnicima. U svom radu će slijediti demokratičnost, objektivnost, pravilnost, toleranciju i humanost.

III ETIČKA PRAVILA

Član 5.

Svi učesnici i realizatori ekskurzije imaju slijedeće dužnosti:

Cijeniti vrijednost i ugled svakog pojedinca,

Cijeniti želju za znanjem,

Uvažavati i poštivati ljudska prava i ophoditi se prema osobama poštivajući i braneći njihova prava.

Uvažavati i poštivati različitost među ljudima, te promovirati jednake mogućnosti za sve, bez obzira na uzrast, pol, nacionalnu ili etničku pripadnost, kulturu, posebne potrebe, religiju i sl.

Nastojati pokazati primjer poštivanja društvenih vrijednosti kao što su velikodušnost, nesebičnost, objektivnost, integritet, odgovornost, otvorenost.

Preduzimati sve aktivnosti u cilju ostvarenja zdravstvene i druge zaštite učenika.

Njegovati poštivanje i povjerenje prema učenicima i osobama povezanim s njima, uvijek postupajući svjesno i dajući primjer najvišeg etičkog standarda.

Prepoznati i uvidjeti činjenicu kako se uspješno obrazovanje oslanja na uzajamnost, dobru volju i podršku osoba izvan školskog okruženja.

, nastojati i postići intelektualni, tjelesni, društveni, moralni, kulturni i duhovni razvoj svih učenika;

IV OBAVEZE, PRINCIPI PONAŠANJA UČESNIKA

Član 6.

Nastavnici su dužni postupati jednako prema svim učenicima bez diskriminacije ili povlašćivanja po bilo kojem osnovu.

Nastavnici će:

- Brinuti se za zdravlje, sigurnost svih učenika.
- Koristiti svoje profesionalne vještine i stručnost kako bi sadržaji bili uspješno realizovani.
- Zatražiti potporu i pomoć u slučaju da zdravlje i sigurnost učenika bude ugroženo.
- Čuvati tajnost podataka o zdravstvenim i drugim specifičnim potrebama učenika i poštivati obiteljsku privatnost.
- Osigurati roditeljima i starateljima informacije prije i poslije realizacije ekskurzije.
- Shvatiti ulogu i funkciju ostalih subjekata realizacije ekskurzije- hotelsko i ugostiteljsko osoblje, vodiči, predstavnici Agencije i dr. te sa njima uspostaviti djelotvoran, suradnički odnos koji je u interesu djeteta.
- Slušati i uvažavati učenike i druge sudionike ekskurzije.
- Služiti učenicima kao model, te im davati primjere čestitosti, integriteta i brižnog odnosa prema drugima.

- Tretirati i podučavati učenike na način koji podize samopouzdanje, samosvijest i spoznaju o vlastitoj vrijednosti, te će koristiti ocjenjivanje kako bi prikladno odgovorili na različite potrebe učenika, pružili učenicima stručne povratne informacije i ukazali na važnost individualnog i kolektivnog postignuća.
- Pomagati učenicima kako bi se pripremili za život i shvatili promjene u društvu i u području tehnologije, tako što će im davati savjete i pouzdane upute vezane za njihove buduće ambicije i opcije koje im budu stajale na raspolaganju.
- Neće koristiti profesionalne odnose ili poziciju autoriteta kako bi ostvarili osobnu korist, te će takve pojave sprečavati uspostavljanjem jasnih granica između nastavnika i učenika.
- Neće iznositi lažne ili zlonamjerne tvrdnje o učenicima ili drugim sudionicima.
- Neće diskriminirati bilo kojeg učenika ili kolegu na osnovi rada, uzrasta, rase, nacionalne ili etničke pripadnosti, kulture, jezika, posebnih potreba, seksualne orijentacije ili bračnog statusa.
- Izbjegavati iznošenje neugodnih i pogrdnih opaski na račun učenika i drugih ili komentara koji negiraju samopouzdanje i osobni identitet.
- Neće/ne smije konzumirati alkohol i opojna sredstva.
- Primjereno se oblačiti.
- Prijavit će ukoliko primijeti kako neko od subjekata svojim ponašanjem krši etički kodeks.
- Neće se upuštati u realizaciju aktivnosti sa manje od tri učenika.

Član 7.

Predstavnici agencije i druga lica će:

- Čuvati tajnost podataka o zdravstvenim i drugim specifičnim potrebama učenika.
- Osigurati da se prevoz ne obavlja u noćnim satima, odnosno sve predviđene aktivnosti, uključujući i prevoz moraju biti realizovane do 24:00 sata.
- Uvažavati opravdane zahtjeve nastavnika i učenika.
- Neće se upuštati u realizaciju aktivnosti sa manje od tri učenika (vozač, vodič, vođa puta).
- Neće izuzeti učenika od učestvovanja u realizaciji određenih aktivnosti bez saglasnosti nastavnika.

Član 8.

U ostavarivanju principa Etičkog kodeksa učenici će:

- Poštivati i tretirati druge onako kako bi i sami htjeli biti poštovani i tretirani.
- Uvijek uvažavati molbe i slušati upute nastavnika i drugih učesnika, a koje se odnose kako na obrazovne zadatke tako i na vladanje.
- Sudjelovati u svim predviđenim aktivnostima.
- Odupirati se motiviranju, nagovaranju od strane vršnjaka ili osobnim porivima nepristojnosti, grubosti i neljubaznosti na bilo kojoj osnovi.
- Odupirati se bilo kakvom motiviranju, nagovaranju od strane vršnjaka ili osobnim porivima da budu nasilni prema drugoj osobi, te će odmah prijaviti nastavniku ili drugoj odrasloj osobi ako sami budu podvrgnuti nasilju ili vide nasilje nad nekim drugim.
- Uvijek brižno se odnositi prema ličnoj i imovini drugih.
- Oblačiti se pristojno.
- Poštivati i ne odnositi se uvredljivo i nepristojno prema nastavnicima, predstavnicima Agencije, hotelsko-ugostiteljskom osoblju, vodiču, i drugim učesnicima.
- Ne konzumirati proizvode od duhana, alkohol, opojna sredstva.

- Ne osamljivati se, u grupi manjoj od tri učenika, sa učesnicima u realizaciji aktivnosti (vozač, vodič, vođa puta, nastavnik i dr.).
- Voditi brigu o ličnoj higijeni i higijeni prostora.
- Ne nositi opasne predmete sa sobom (nož, čakija i sl.).
- Sudjelovati u dragovoljnim nastavnim i izvannastavnim aktivnostima sukladno vlastitim mogućnostima.
- Pružati dobrodošlicu i uključivati u rad vršnjake i nove učenike.

Član 9.

Predstavnici roditelja i staratelja će:

- Poštivati školska pravila i propise;
- Ponašati dostojanstveno i suzdržano, te će poštivati osoblje škole;
- Osigurati redovit dolazak djece u školu u predviđeno vrijeme;
- Nastojati prisustvovati svim roditeljskim sastancima i drugim školskim događanjima na koje se pozivaju roditelji;
- Čitati, ili potražiti pomoć pri čitanju, sve dopise koje škola pošalje na kućnu adresu i odgovarati na odgovarajući način;
- Podržavati potpuno sudjelovanje svoje djece u nastavi tako što će pravodobno osiguravati neophodne knjige, opremu i ostale resurse koji bi djeci mogli trebati ili koje propisuje škola;
- Osigurati dolazak njihove djece u školu zdrave, čiste i odjevene sukladno s prihvatljivim ili bilo kakvim drugim kodeksom odijevanja koju obrazovna institucija propisuje ili preporučuje;
- Nastojati potaknuti i omogućiti svojoj djeci koristiti sve dodatne prigode ponuđene u sastavu programa izvannastanih aktivnosti;
- Nastojati pružati ohrabrenje i potporu svojoj djeci u pisajnu domaćeg zadatka;
- Podržavati školu putem dragovoljnog rada tamo gdje je moguće, gdje se to od njih traži;
- Doprinositi, gdje je moguće i primjereno, aktivnostima lokalne zajednice usmjerenima ka pružanju podrške školi.

V NEPOŠTIVANJE ETIČKOG KODEKSA

Član 10.

Kršenje odredbi Etičkog kodeksa Ekskurzije predstavlja osnov za pokretanje disciplinskog postupka za učenike i nastavnike, odnosno jedan od razloga neispunjavanja minimalnih kvalifikacijskih zahtjeva za agenciju.

Nadzor nad poštivanjem Etičkog kodeksa vrši direktor škole ili osoba koju direktor odredi Rješenjem.